

## Танъгъчин багъчудин фестивалъ

Майин 9-нд Халъмг танъгъчин кўцӓгч комитетин залд, танъгъчин багъчудин фестивалъд белдлгъ келгънӓ туск совещань болв.

КПСС-н Халъмг танъгъчин комитетин сеглӓтр ўр Джимбинов эн совещаниг эклсн ўгдӓн, майин 18-19-д Элст балгъснд танъгъчин багъчудин фестивалъ болхмн, тер фестивалъд 500 гар кўўкд болн кӧвўд орлцхмн—гидж келв.

Фестивалъд белдвр келгънд ямаран дуту-дунд бӓӓхиг заадж ўр Джимбинов келв. Кесг кегдӓд уга кӧдлмш заагт, балгъснд радио оруллгъна керг ода бийнь му, паркиг болн стадиониг ъдгӓ цаг кўртл ясдж, диглдж, чик бӓӓдл гаргъад уга, гидж цааранднь темдглдж бас келв.

Эн ўлдсн цӧн ъдрмўдт, чидлӓн ӓрвлл уга, фестивалъд белдлгънӓ дуту-дундиг диглдж, эн фестивалиг цань уга килмджтӓ сӓӓнӓр кехмн гидж,

танъгъчин болн балгъсна учрежденъсин гардачнриг дуудж ўр Джимбинов ўгӓн тӧгскв.

ВЛКСМ-н Халъмг танъгъчин комитетин сеглӓтр ўр Надбитов совещаньд орлцдж, ўгкелв. Фестивалъ ямаран дигтӓгъӓр кегдх, фестивалъд орлцх улсиг болн ирсн гиичнриг ягъдж хот-хоолар тетгх, теднӓ бӓӓх бӓӓринь белдхин тускар, стадионд хулд-хуран кедў палаткс гаргъх, ямаран бӓӓдлтӓгъӓр балгъсар автобусмуд йовхиг диглхин тускар, совещаньд ирсн улст, ўр Надбитов цӓӓлгъдж келдж ъгв.

Эн фестивалъ келгънд Элст балгъсна школин сургъульчнр ик дӧнъ-нӧкд болх зӧвтӓ. Олн зўсн цецгс болн флажокс эдн белдхмн, нарт делкӓ дӓн уга бӓӓхиг дурддг—кӧглджргъс авч ирхмн. Теднӓ, тенъгр ъӧд нисдж, седклд кўсл-дживр ургъалгъна тачал кесн—кӧглджргъс нислдӓн болхмн.